

## UGOVOR O JAVNOJ NABAVCI USLUGA

Zaključen dana 13.02.2017. godine u Sarajevu između:

**KJP "Sarajevo-šume" d.o.o. Sarajevo**, ul. Maršala Tita 7/II, Sarajevo (u daljem tekstu: **Naručilac usluga**), koga zastupa Direktor Preduzeća, mr.sci. Nermin Demirović, dipl.ing.šum.

i  
**NLB Banka d.d. Sarajevo** sa sjedištem u Sarajevu, ul. Džidžikovac broj 1, registrovano kod Općinskog suda u Sarajevu, Aktuelni izvod iz sudskog registra: 065-0-RegZ-17-000204 od 11.1.2017. godine, ID broj: 4209039610001, PDV broj: 209039610001, broj računa: 1327310012198558 (u daljem tekstu: **Pružalac usluga**), koga zastupaju: **Žigić Lidija**, direktor, **Hasanić Denis**, zamjenik direktora.

(u daljem tekstu: **Ugovorne strane**)

### Član 1.

Ovim se Ugovorom Pružalac usluga obavezuje staviti na raspolaganje Naručiocu usluga novčana sredstva u vidu kreditnog plasmana-kratkoročnog kredita u iznosu od 400.000,00 KM (slovima:četiristotinehiljada KM),sa rokom otplate od 6 (šest) mjeseci, a Naručilac usluga se obavezuje Pružaocu usluga platiti ugovorene naknade,kamate i vratiti dobiveni iznos novca u vrijeme i na način kako je utvrđeno ovim Ugovorom,a u svemu prema ponudi Pružaoca usluga protokolisanoj kod Naručioca usluga pod brojem:0103-2771-10/16 od 01.02.2017. godine i specifikaciji usluga po vrsti i jediničnim cijenama,koja je prilog ovog Ugovora i njegov sastavni dio.

### Član 2.

Ovaj Ugovor se zaključuje na osnovu Zapisnika sa otvaranja ponuda za javnu nabavku usluga broj: 0103-2771-16/16 od 01.02.2017. godine, Zapisnika o pregledu i ocjeni ponuda broj: 0103-2771-17/16 od 01.02.2017. godine i pravosnažne Odluke o izboru najpovoljnijeg ponuđača, broj: 0103-2771-18/16 od 01.02.2017. godine.

### Član 3.

Ukupna vrijednost usluga iz člana 1. ovog Ugovora iznosi **6.493,67 KM** (slovima:Šesthiljadačetiristotinedevadesettri KM i 67/100), a obuhvata ukupne troškove kredita – kamate i naknade za obradu kredita i realizaciju kredita, kao i druge neophodne troškove u vezi sa realizacijom kratkoročnog kredita u iznosu od 400.000,00 KM.

### Član 4.

Pružalac usluga odobrava kredit u iznosu iz člana 3. ovog Ugovora uz godišnju redovnu kamatnu stopu u iznosu od 2,99%.

### Član 5.

Naručilac usluga je dužan platiti Pružaocu usluga jednokratno i unaprijed naknadu za obradu kreditnog zahtjeva u iznosu od 400,00 KM (slovima:četiristotine KM),odnosno 0,10% od iznosa odobrenog kredita.

### Član 6.

Pružalac usluga se obavezuje da iznos kredita iz člana 1. ovog Ugovora prenosi sukcesivno prema zahtjevima naručioca usluga na transakcijski račun Naručioca usluga otvoren kod NLB banke d.d. Sarajevo kao Pružaoca usluga.

### Član 7.

Rok otplate kredita je 6 (šest) mjeseci na revolving osnovi, prema mogućnostima Naručioca usluga unutar roka utvrđenog za korištenje i povrat kredita.

### Član 8.

Kao osiguranje urednog ispunjenja svih (glavnih i sporednih) obaveza iz ovog Ugovora Naručilac usluga će prije plasiranja kreditnih sredstava Pružaocu usluga obezbijediti 10 bianco potpisanih mjenica uz mjenične izjave i po 10 bianco potpisanih transakcijskih naloga.

### Član 9.

Naručilac usluga se obavezuje da instrumente obezbjeđenja kreditnog plasmana iz člana 9. ovog Ugovora neće dodatno opteretiti po novom dugu bez prethodno pribavljene pismene saglasnosti Pružaoca usluga.

### Član 10.

Na osnovu ovog Ugovora Naručilac usluga i Pružalac usluga će zaključiti Ugovor o kreditu kojim će detaljno regulisati međusobna prava i obaveze nastale povodom odobrenog kredita iz člana 1. ovog Ugovora.

### Član 11.

Ugovorne strane konstatuju da je Pružalac usluga prije zaključenja ovog Ugovora dostavio ovjerenu fotokopiju dozvole za rad, broj: 01-49-19/97 od 27.5.1997. godine izdatu od Agencije za bankarstvo Federacije Bosne i Hercegovine i kopiju Uvjerenja za osiguranje depozita izdatu od Agencije za osiguranje depozita BiH.

### Član 12.

Pružalac usluga u svrhu izvršenja ovog Ugovora nema pravo zapošljavati fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je angažovala Stalna Komisija za javne nabavke Naručioca usluga, najmanje 6 (šest) mjeseci po zaključenju Ugovora, odnosno od početka realizacije Ugovora.

### Član 13.

Za sve što nije regulisano ovim Ugovorom primjenjivat će se pozitivni zakonski i podzakonski propisi koji regulišu ovu oblast.

### Član 14.

Sve eventualne sporove po ovom Ugovoru ugovorne strane rješavat će sporazumno, a ako to ne bude moguće u slučaju spora po ovom Ugovoru nadležan je Općinski sud u Sarajevu.

### Član 15.

Ovaj Ugovor se zaključuje na određeno vrijeme na period od 6 (šest) mjeseci od dana potpisivanja od strane obje ugovorne strane.

### Član 16.

Ovaj Ugovor je sačinjen u 6 (šest) istovjetnih primjeraka od kojih 4 (četiri) zadržava Naručilac usluga, a 2 (dva) primjerka Pružalac usluga.

Za Pružaoca usluga:

DIREKTOR

Žigić Lidija

Zamjenik direktora

Hasanić Denis



Za Naručioca usluga:

DIREKTOR

mr.sci. Nermir Demirović, dipl.ing.šum.

Izvršni direktor oblasti za šumarstvo

mr.sci. Alispahić Nevres, dipl.ing.šum.

Izvršni direktor oblasti za opšte poslove

Kečo Hidajeta, dipl.ecc.

Broj: 01-697-2/17  
Datum: 14.02.17 . godine

Broj: 0103-2771-21/16  
Datum: 13.02.2017. godine